

茂實乘虎太白跨虬

廣記王夔南陽張茂實之僕也一日辭去謂茂實曰感君恩  
遇深欲奉報夔家甚近其中景趣可觀能一遊乎茂實曰可  
然不欲家人知潛一遊可乎夔曰甚易乃截竹枝其上書符  
曰君杖此入室稱疾潛置於衾中抽身卽出乃相與南行數  
里餘有黃頭執青麒麟一赤文虎二俟於道茂實驚欲回夔  
曰無苦但前行夔卽乘麟茂實乘虎上仙掌越壑凌山殊不  
覺峻嶮至一山下物象仙媚樓臺松石非世所有紫衣吏數  
百人迎於道側旣入青衣數十人容色皆殊執樂拜引宴於  
中堂歌鸞舞鳳及諸聲樂皆所未聞情意高逸不復思人寔  
道藏輯要 三洞群仙錄 美 翼集五

聞事因教以至道贈金百鎰令送之到家家人方環泣云卒  
已七日矣以心間尙煖未殮也茂實遂棄官遊名山不知所  
終

異人錄元和初有人海上見李太白與一道士在高山頂上笑  
語久之道士於碧霧中跨赤虬而去太白聳身健步追及其  
乘之東去

高士善卷仙官馬周

高士傳善卷舜時高士舜欲以天下遜之卷曰冬衣皮毛夏  
爲葛絺春耕足以肆力秋斂足以休食日出而作日入而息  
逍遙於天地之間而心意自得吾何以天下爲哉遂不受而